



■鄭融今年慶生雖然從簡，但也好難忘。



上周六（10日）是鄭融（Stephanie）的36歲生日，因為新冠肺炎疫情關係，她今年生日沒有大事慶祝，反而是上山睇日出，作為送給自己的生日禮物，因她從未試過上山睇日出，好想為自己這大日子留下美麗回憶。



糖妹未諗生仔事

糖兄妹日前接受TVB娛樂新聞台主理許文軒（左）專訪，二人互爆小秘密，問到糖妹死穴時，糖兄即說：「有好多都唔講得！點解妳咁耐都冇拖拍？」糖妹笑言唔使急，「我媽咪話再大個啲生仔會好辛苦，我心諗生仔都要諗，未諗到呢Part住。」問到糖兄令糖妹不滿的事？糖妹直指他成日唔記得帶證件。

On仔怕醜無緣享艷福

唱作歌手陳健安（On仔）的新歌《時光邊緣的人》MV，雖然導演安排了4位女朋友，惜MV男主角卻另有其人，On仔解釋：「唔想因為我嘅出現而轉移佢個戲嘅焦點，所以MV冇我做，我係持開放態度。」事後他在社交網回應歌迷留言時卻幽默道：「我唔想男人見我着仔煙肉，我怕醜！」



馬天佑推出翻唱歌系列

獨立歌手馬天佑（Mayao）為一系列翻唱歌推出《0號實驗室》企劃，來到第6個作品《優先訂座》就找來原唱關心妍（Jade）齊齊試新裝！

Mayao曾以造型師身份參與Jade 3張唱片和2個演唱會造型設計，合唱歌曲是他們的第一次。而他對《優先訂座》印象很深刻，尤其是MV中Jade用保鮮紙包起男伴，這畫面常常浮現在他的腦海。Jade對這次合作也感到有分量的新鮮感：「呢首歌差唔多有17年歷史，但Mayao嘅重新編曲真係好驚喜，好似一首新歌咁，但聽落去又保留到原曲嘅精粹，估唔到我首歌可以包re-packaging得咁特別。」



■關心妍與馬天佑齊齊試新裝。

36歲生日上山睇日出

鄭融收歌迷心思禮物

——直以來Stephanie都不想家人和朋友要特別花費為她慶祝生日，尤其今年在疫情底下，覺得能夠同家人、朋友敘舊見面就已經好滿足，所以慶祝活動一切從簡！Stephanie說：「但有個行動想在自己生日時送給自己，就是上山睇日出，第一自己從未試過，好想在這大日子留下美麗回憶。」既然有此心願，她即時付諸行動，「我在凌晨4點半起床，同朋友摸黑出發上山，途中漆黑一片嘅時候，見到好多綠色眼睛閃閃下閃下，個心即刻離一離，但原來係野豬同野狗，過程都幾驚險，但最後都順利準時去到望日出嘅位置，在海邊望住太陽升起來時，真係好震撼和感動！」

除了上山睇日出，今年Stephanie還收到一份好意外的禮物，「歌迷會為我助養咗一隻嘜保護遺棄動物協會裏面嘅狗狗，佢叫仔仔，呢位雙目失明嘅小毛孩，係我在協會做義工時候已經認識佢，亦都有同佢玩過。有能力將自己嘅幸福分享出去，係非常好嘅禮物同埋慶祝方法，好感恩歌迷咁有心！」

珍惜薛凱琪友誼

因為疫情關係，Stephanie同好友薛凱琪已經半年無見過面，以往她們每年都會互相同對方食生日飯慶祝，所以今年生日見面，大家都覺得好感慨但又開心，「我哋都好珍惜彼此嘅友誼，因為喺啱家呢種情況下，能夠出來見面食飯傾偈，已經係一件幸福嘅事。（有什麼生日願望？）我希望自己同家人、朋友都身體健康，自己亦會繼續努力工作，以報答愛錫我嘅人。」問到外籍男友如何為她慶生？她迴避道：「感情費事講太多，無咩好講，啱家感情OK。」



■陳家樂獲廣告商送蛋糕及鮮花慶生。

陳家樂34歲生日拒認愛 重申連詩雅僅屬好朋友

昨日是陳家樂34歲生日，不過他卻要拍廣告未能放假，但廣告商好窩心，特別送上足球形蛋糕及大束鮮花為他慶祝。家樂表示今次廣告要暫時保密，但酬勞十分可觀是開心價，他坦言年初爆發疫情，工作量大減，不過由8月開始工作漸多，即將亦有珠寶廣告推出，廣告中他跟拍檔湯怡會穿中式婚嫁服飾亮相。問他是否預演婚禮？他即笑謂是幫湯怡預演婚禮，不過他都有結婚的想法，只是目前仍以工作為先，且也要找到合適的人才可以結婚。笑說他不是已有女友連詩雅？家樂說：「我沒公開、沒承認過拍拖，是好朋友吧！」

雖然生日要開工，但他有提出早一點開工，希望可以早收工去約朋友吃飯。提到現時仍有限聚令，不過二人世界卻不受限制？家樂笑謂：「希望約到不同的朋友，所以分開好多日慶祝，分開屋企人和朋友食飯。」他指朋友當中衛詩雅永遠最好、最有心，已提早約吃飯為他慶祝切蛋糕，他又透露日前收到一個親手造的足球形蛋糕，當問到是否「好朋友」親手為他造的？他笑說：「我守口如瓶，總之今年生日願望是希望疫情盡快過去，大家回復正常工作，一切順利，還有一家人身體健康！」

友吧！」

雖然生日要開工，但他有提出早一點開工，希望可以早收工去約朋友吃飯。提到現時仍有限聚令，不過二

人世界卻不受限制？家樂笑謂：「希望約到不同的朋友，所以分開好多日慶祝，分開屋企人和朋友食飯。」他指朋友當中衛詩雅永遠最好、最有心，已提早約吃飯為他慶祝切蛋糕，他又透露日前收到一個親手造的足球形蛋糕，當問到是否「好朋友」親手為他造的？他笑說：「我守口如瓶，總之今年生日願望是希望疫情盡快過去，大家回復正常工作，一切順利，還有一家人身體健康！」